



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

16. Ut lite pendente nihil innovetur

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

possessionem fuerit missus, & tamen ob hujus potentiam realiter apprehendere, detinere & possidere non possit, eo casu illum fictione utriusque juris perinde haberi, ac si rem post primum decretum realiter detineret, vel per secundum, ubi opus est, verè possideret. *c. 9. de dol. & contum. l. 13. junct. Gloss. §. perinde. ff. de rebus aut. jud. possid.*

Q. 5. In quibus actionibus locum habeat vel non habeat missio in bona? Resp. 1. In omnibus actionibus realibus & personalibus, in bonis mobilibus & immobilibus, in spiritualibus etiam & feudalibus procedit immissio in bona; quia ne præjudicatur domino directo, & obtinetur tamen finis immisionis. *2.* Fallit tamen in iis causis, in quibus natura actionis immisionem excludit, v. g. in causis *civilibus*, in quibus actor nihil petit, sed vult tantum se liberare aut excusare. Deinde in *causa matrimoniali*, ne detur occasio illicitæ copulæ cum non sua; hinc reus contumax per censuras ad comparandum compelli debet. *c. 3. ut lit. non cont. & c. fin. §. porro. eod.* Item in *causa beneficii* ob vitiosum ingressum, saltem si instituatur *petitorium*; nam in possessorio *recuperanda* valet. *c. redintegranda. 3. caus. 3. q. 1.*

TITULUS XVI.

Ut Lite pendente nihil innovetur.

Q. 1. Quid per rubricam hujus Tituli intelligatur? Resp. Cum priori titulo actum fuerit

rit, ob contumaciam Rei actorem mitti posse in possessionem bonorum, ideo nequis existimet, regulariter posse quid pendente lite innovari, subjungitur præsens titulus, quo tempore litis pendentis nihil immutari præcipitur aut de novo induci, nec circa rem, de qua agitur, ejusve possessionem, nec circa jus ipsum, quod ab eo tempore viguit; & si quæ interea immutata sint, pro attentatis habenda, revocanda in pristinum statum, & irritanda, ac si nihil factum fuisset. *L. 2. C. de litigiosis.*

Q. 2. Quomodo inducatur litis pendentia? Resp. Jure recentiori, nimirum *Clem. 2. h. t. & Auth. Litigiosa. C. de Litigios.* in actionibus tam realibus quam personalibus inducitur litis pendentia per citationem à judice competente legitime factam, & actu intimatam Reo, nisi fortè ipse intimationem impedivisset; modò tamen ex citationis tenore citatus cognoscere possit, super qua causa in judicio conveniatur.

Q. 3. Quinam sint effectus pendentia litis? Resp.
 1. In actione reali *res*, in personali *instantia* lite pendente prohibetur alienari, donec lis sit decisa. *c. 3. & 4. h. t. L. fin. ff. & L. 2. Cod. de litigios. & Nov. 112. c. 1.* Ratione cujus seqq. notanda. 1. Rem dici tum *litigiosam vel vitio litigii* affectam, dum super ejus dominio vel quasi, utili vel directo, lis inter petitem & possessorem versatur; dum verò agitur de onere aliquo rei imposito, vel intentatur actio personalis, vel etiam de sola possessione lis pendet, *res ipsa litigiosa*

giosa non est. *Auth. Litigiosa. C. de Litigios.*
 Non convenire inter AA. utrum alienatio rei litigiosæ prohibita sit ipso jure nulla, vel irritanda tantum per judicem. 3. Casus plures recensentur. *L. fin. §. 1. C. de Litigios. Nov. 112. c. 1. §. 1. & hoc autem. L. 5. ff. de petit hered. §. 1. & ab AA. quibus res litigiosa potest alienari.*

Resp. 2. Lite pendente possessio immutari non potest, sed æquè durante lite ac priùs possessor fructus ex re possessa poterit colligere. Unde in *c. 1. h. t.* Archi-Episcopus, cui super jure præferendæ crucis lis mota erat, lite durante poterat facere ante se crucem deferri. 2. Conjux pendente lite, quâ agitur de divortio quoad thorum ob adulterium, possessione carnalis commercii nec à conjuge accusante, nec à judice privari debet; quæ quoad judicem etiam procedunt, dum agitur ab alterutro conjugum ad dissolutionem matrimonii quoad vinculum ob dirimens impedimentum. *c. 2. h. t.* non obstante. *c. 14. de sponsal.* 3. Prælatus de crimine accusatus, ob quod veniendus amovendus, lite super eo pendente, nec deferendus interea est à populo, nec amovendus. *c. 1. caus. 8. q. 4.* Dantur tamen casus, in quibus possessor post litem motam non pergit gaudere commo-
modo possessionis, ut Tit seq.

Resp. 3. Rescripta seu privilegia lite pendente in præjudicium alterius partis impetrata, non expressa mentione litis pendente, sunt subreptitia. *c. 1. & fin. quia*

r. h. quia Princeps non censetur velle in alterius præjudicium alicui gratiam concedere

Q. 4. Qualiter in causis beneficalibus nihil innovandum? Resp. 1. Si duo in discordia electi sint ad eandem Prælaturam, vel ad idem beneficium promoti, litigentque coram Papa vel alibi, & unus illorum lite pendente moriatur, vel juri suo renuntiet, non potest, pendente lite super alterius electione, procedi ad novam electionem vel beneficii provisionem. *c. 1. h. t. in 6.*

Resp. 2. Similiter, si contra eum, cui collatum beneficium, vel qui ad illud præsentatus, lis moveatur super ejus habilitate, non potest lite pendente collator conferre illud alteri, aut patronus alium præsentare Vide *Leut. in for. benef. part. 2. q. 147.* Circa casum tertium, qui hic formari posset, vide *c. 1. h. t.* qui licet sit distinctus à casu *c. 1. h. t. in 6.* est tamen par utriusque ratio.

Q. 5. Quibus pœnis subjaceat alienans vel accipiens res litigiosas? Resp. 1. Omnia restituenda sunt in statum pristinum. *c. 4. h. t.* cum istiusmodi attentata firmitatem non habeant, saltem post sententiam judicis. *c. 2. de rest.*

Resp. 2. Si nec alienans nec accipiens sciverunt rem litigiosam, non incurrunt pœnam, quia nulla præcessit culpa. 2. Si alienatio facta sit per emptionem venditionem & uterque scivit, emptor amittit pretium, venditor tantundem confert de suo, simulque quantitas utraque fisco applicatur, res verò litigiosa neutri cedit. Si verò

Liber II.

G

ven-

venditor solus, non verò emptor scivit rem litigiosam (quod in dubio præsumitur. *L. 21. ff. probat.*) emptor quidem reddit rem venditori venditor autem pretium, & tantundem de se debet expendere, ex quo tertia pars cedit emptori ob dolum, quo eum circumvenit, non maxime stando vitium litigiosi; reliquæ duæ partes appropinquandæ sunt fisco. *L. fin. C. de Litigios.*

TITULUS XVII.

De sequestratione possessionum & fructuum.

Q. 1. *Quid sit sequestrum, quotuplex &c.* *Resp.* 1. Sequestrum sive sequestratio est rei litigiosæ, possessionis, aut fructuum ejus ex manus seu potestate litigantium subductio, & in manus tertii (qui propterea *sequester* dicitur) depositio, facta vel consensu partium vel auctoritate judicis. *L. 17. ff. depositi.*

Resp. 2. Differt multimodè sequestrum à deposito, ut videre est in *L. 6. & 17. ff. depositi. L. 1. 44. ff. eod. §. 3. Inst. quib. mod. re contrah. oblig. & arresto*, cum arrestum ne quidem species sit depositi aut alterius contractus, sed impediuntur ac interdictum, ne res vel persona loco aut fructu suo moveatur; fitque etiam rei non litigiosæ commissione in possessionem ex primo decreto, cum fiat in unum collitigantium, sequestratio in tertium.

Resp.